



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-I/21-3-40-461-3/21**
Datum: **18.10.2021.godine**

«Agencija za vodno područje rijeke Save» Sarajevo rješavajući po zahtjevu pravnog lica „AMSAL“ d.o.o. Sarajevo, za donošenje rješenja o vodnoj dozvoli za ispuštanje tehnoloških otpadnih voda sa lokacije proizvodno-poslovnog objekta za primarno i sekundarno pakovanje lijekova, kontrolu kvaliteta i skladištenje lijekova, izgrađenih u industrijskoj zoni „Unis-Pretis Vogošća“ u ulici Igmanska 38, općina Vogošća, na osnovu člana 109. stav (1) Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98 i 49/99), donosi:

RJEŠENJE **o vodnoj dozvoli**

1. Pravnom licu „AMSAL“ d.o.o. Sarajevo, daje se vodna dozvola za ispuštanje tehnoloških otpadnih voda sa lokacije proizvodno-poslovnog objekta za primarno i sekundarno pakovanje lijekova, kontrolu kvaliteta i skladištenje lijekova, izgrađenih u industrijskoj zoni „Unis-Pretis Vogošća“ u ulici Igmanska 38, općina Vogošća, na zemljištu označenom kao k.č. broj: 2751/124 i 2751/122 K.O. Gornja Vogošća (novi premjer).
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola, od strane drugih nadležnih organa, a sve u skladu sa važećim zakonskim propisima, odlukama i dr.
3. Vodna dozvola se daje na osnovu činjeničnog stanja utvrđenog pregledom dostavljene dokumentacije i izvršenim uviđajem na objektu, pod slijedećim uslovima:
 - 3.1. Da pravno lice „AMSAL“ d.o.o. Sarajevo, obezbijedi da se sistem za prikupljanje, prečišćavanje i ispuštanje otpadnih voda kao i objekti izgrađeni u krugu proizvodno-poslovnog objekta za primarno i sekundarno pakovanje lijekova, kontrolu kvaliteta i skladištenje lijekova, održavaju u funkcionalnom stanju i koriste u skladu sa namjenom i uslovima iz ove vodne dozvole.
 - 3.2. Da se nakon redovnog čišćenja i izvršenog monitoringa kvaliteta i kvantiteta tehnoloških otpadnih voda u oknu iza uređaja za tretman istih, a rezultate dostave ovoj Agenciji. U slučaju da parametri u prečišćenoj tehnološkoj otpadnoj vodi i nakon čišćenja uređaja za tretman nisu u skladu sa propisanim graničnim vrijednostima, priloga 1. kolona 3., Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20), nosilac prava iz vodne dozvole dužan je da izvede tehnološku jedinicu u kojoj će se obavljati dodatni tretman tehnoloških otpadnih voda po prethodno urađenoj projektnoj dokumentaciji koju će dostaviti ovoj Agenciji.
 - 3.3. Čišćenje separatora i pratećih elemenata, te odvoz i konačno zbrinjavanje otpadnog mulja i taloga, kao i opasnog otpada sa lokacije predmetnog poslovnog objekta može vršiti isključivo firma ovlaštena za tu vrstu djelatnosti, prema sklopljenom ugovoru. O načinu i vremenu radova održavanja, odnosno o pražnjenju, odvozu i zbrinjavanju sadržaja taložnika i separatora ulja i masti, neophodno je voditi službenu evidenciju i arhivu.
 - 3.4. U toku važenja ovog Rješenja, korisnik predmetnih objekata je obavezan poduzeti sve potrebne mjere kako bi kvalitet tehnoloških otpadnih voda, a prije ispuštanja u recipijent, zadovoljio granične vrijednosti u skladu sa članom 15. i 21. Uredbe o uslovima ispuštanja otpadnih voda u okoliš i sisteme javne kanalizacije.

- 3.5. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa članom 19. stav (4) Uredbe o uslovima ispuštanja otpadnih voda u okoliš i sisteme javne. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.
- Izvršaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).
- 3.5. Sadržaj (mulj) iz uređaja za prečišćavanje otpadnih voda i ostali otpad ne smije se odlagati na česticu «vodno dobro», odnosno u vodotoke i na njegove obale.
- 3.6. Na predmetnoj lokaciji nije dozvoljeno indirektno ispuštanje otpadnih voda u podzemne vode.
- 3.7. Investitor je obavezan pridržavati se svih mjera i uslova propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove dozvole, Korisnik je dužan provoditi sve mjere i aktivnosti propisane istom.
6. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
7. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
8. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog objekta benzinske pumpe sa pratećim sadržajima obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
9. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
10. Ova vodna dozvola, shodno članu članu 117. stav (1) Zakona o vodama se daje sa rokom važenja od 5 (pet) godina od dana pravosnažnosti ovog rješenja.
11. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.
12. Ova vodna dozvola može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev.

O b r a z l o ž e n j e

Pravno lice „AMSAL“ d.o.o. Sarajevo, zahtjevom bez broja od 29.09.2021 godine se obratilo ovoj Agenciji za donošenje rješenja o vodnoj dozvoli za ispuštanje tehnoloških otpadnih voda sa lokacije proizvodno-poslovnog objekta za primarno i sekundarno pakovanje lijekova, kontrolu kvaliteta i skladištenje lijekova, izgrađenih u industrijskoj zoni „Unis-Pretis Vogošća“ u ulici Igmanska 38, općina

Vogošća, na zemljištu označenom kao k.č. broj: 2751/124 i 2751/122 K.O. Gornja Vogošća (novi premjer).

U provedenom postupku dostavljena je i pregledana sljedeća dokumentacija:

A. Opšta dokumentacija

- Ovjerena kopija Rješenja o upisu u sudski registar broj: 065-0-Reg-13-000657 od 12.04.2013. godine izdato od strane Općinski sud u Sarajevu,
- Ovjerena kopija Uvjerenja o poreskoj registraciji izdatoj od Porezne uprave Kantonalni porezni ured Sarajevo od 15.05.2013. godine,
- Ovjerena kopija Uvjerenja o registraciji/upisu u Jedinstveni registar obveznika indirektnih poreza broj: 04/1-17-1-UPJR/1-8786-2/13 od 14.01.2014 godine, izdatog od strane Uprave za indirektno-neizravno oporezivanje Banja Luka,
- Uplatnica za upravnu taksu u iznosu od 70.00 KM,
- Rješenje o odobrenju za građenje broj: 05-23-2888/05 od 29.12.2005. godine, Služba za urbanizam, prostorno planiranje, građenje, imovinsko-pravne i stambene poslove Vogošća,
- Rješenje o vodnoj dozvoli br. UP-I/25-3-40-338-4/16 od 02.08.2016. godine, izdato od «Agencije za vodno područje rijeke Save» Sarajevo,
- Rješenje o okolinskoj dozvoli za "Medimpex" d.o.o. Vogošća broj: UPI-05/2-23-11-97-8/13 SS od 16.01.2014. godine, izdata od strane Federalnog ministarstva okoliša i turizma,
- Ugovor od 30.01.2021 godine, o skupljanju, skladištenju i zbrinjavanju opasnog otpada, sklopljen sa „AIDA COMMERCE“ d.o.o. Sarajevo,
- Radni zapisnik o radovima na čišćenju separatora dana 30.10.2019 godine od strane „DELTA PETROL“ d.o.o. Kakanj,
- Ugovor o poslovnoj saradnji broj: 02-2/14 od 10.04.2014 godine sklopljen sa "Medimpex" d.o.o. Vogošća,
- Opći akt o održavanju, korištenju i osmatranju vodnog objekta i postrojenja u slučaju kvara ili havarije,
- Usvojeni program obavljanja monitoringa i izvještaji o ispitivanju kvaliteta otpadnih voda pravnog lica „AMSAL“ d.o.o. Sarajevo za mjesec decembar 2020 godine i juni 2021 godine, urađeni od strane „DVOKUT PRO“ d.o.o. Sarajevo.

B. Tehnička dokumentacija

- Projekat izvedenog stanja-prikupljanja i odvodnja otpadnih voda kompleksa firme "Medimpex" d.o.o. Vogošća, urađen od strane "HIGRACON" d.o.o. Sarajevo, maj 2016 godine

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari i u skladu sa članom 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», br. 31/15, 55/19 i 41/20), izvršen je obilazak predmetne lokacije i tom prilikom sačinjen zapisnik o uviđaju broj: UP-I/25-3-40-461-2/21 od 14.10.2021. godine.

Uvidom u dostavljenu dokumentaciju i izvršenim uviđajem na licu mjesta može se konstatovati sljedeće:

Poslovni objekat pravnog lica „AMSAL“ d.o.o. Sarajevo smješten je u industrijskoj zoni „Unis-Pretis Vogošća“ u ulici Igmanska 38, na zemljištu označenom kao k.č. broj: 2751/124 i 2751/122 K.O. Gornja Vogošća (novi premjer), općina Vogošća.

Pravno lice „AMSAL“ d.o.o. Sarajevo se nalazi u iznajmljenom prostoru proizvodno-poslovnog objekta vlasnika "Medimpex" d.o.o. Vogošća a prema ugovoru o zakupu poslovanja broj 3053-1/08 od 10.11.2008 godine.

Na lokaciji predmetnog objekta se nalazi proizvodno-poslovni objekat u kome su smještene sljedeći sadržaji: prostor sa opremom za primarno i sekundarno pakovanje lijekova, prostor za kontrolu kvaliteta lijekova (laboratorija), praona opreme, skladište lijekova i kancelarijski prostorije.

Snabdijevanje vodom za potrebe predmetnog objekta vrši se priključkom na vodovodni sistem kojim upravlja KJKP „Vodovod i kanalizacija“ Sarajevo.

Tehnološke otpadne vode koje nastaju u samom procesu proizvodnje od pranja posuđa i opreme se prikupljaju putem sistema tehnoloških otpadnih voda unutar objekta te zajedno sa oborinskim vodama sa predmetne lokacije, odvođe do separatora ulja i masti sa taložnikom. Prečišćena voda se ispušta u postojeći kanalizacioni sistem industrijskog kompleksa „Unis-Pretis Vogošća“ sa ispustom u rijeku Vogošća.

Izvještaj rezultata ispitivanja kvaliteta tehnoloških otpadnih voda, juni 2020 godine i juni 2021 godine, urađeni od strane „DVOKUT PRO“ d.o.o. Sarajevo, ukazuju da parametri kvaliteta otpadnih voda (HPK i BPK₅) nisu u skladu sa graničnim vrijednostima definisanim Uredbom o uslovima ispuštanja otpadnih voda u okoliš i sisteme javne kanalizacije.

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom u tački 3. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama, člana 3. tačka s) i članova 19., 20. i 21. Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07).

Na osnovu provedenog postupka konstatuje se da je podnosilac zahtjeva, „AMSAL“ d.o.o. Sarajevo, ispunio minimum uslova za izdavanje vodne dozvole za ispuštanje oborinskih onečišćenih voda te je riješeno kao u dispozitivu ovog rješenja.

Podnosilac zahtjeva je, na ime izdavanja ovog vodnog akta, izvršio uplatu federalne pristojbe iz tar. br. 43. Zakona o federalnim upravnim pristojbama i Tarife federalnih upravnih pristojbi («Službene novine Federacije BiH», br. 6/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.


Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:

Behija Ahmedić, dipl.inž.tehn.

Po ovlaštenju

Rukovodilac sektora za izdavanje vodnih akata


Haris Alifšehović, dipl.inž.građ.

Dostaviti:

- „AMSAL“ d.o.o. Sarajevo, Igmanska 38, Sarajevo (Prilog-tehnička dokumentacija pod tačkom B obrazloženja Rješenja)
- AVP Sava, ISV-vodna knjiga
- Org.jed. 50
- Org.jed. 40-arhiva
- Oglasna tabla AVP Sava Sarajevo